

玄覽堂叢書

第一〇六冊

文苑英華 卷一百一十四

東事書叙

奴酋爲難日甚一日上關



廟社下關民生人誰不有身家性命之憂從來
應之敢謂當事者失計而草野陳人慮有一
得實未與符合也始憂之與弟私言之旣而
與可與言者言之雖亦未敢自必其言之是
與未是而憂迫於杞人之裏不自覺其言之
贅也當逆酋始發難斯時而用遼將招遼人
爲兵以言守或者可以守何也奴勢未張也

奴亦未卽敢肆然以爲恃而我人心猶然固
也可以言守顧言勦四路敗剏奴始張矣中
國之宿將精兵盡矣人畏奴如畏虎非厚集
強兵與之從事不能禦其患所宜勦也顧言
守用一錦衣爲帥但招遼人爲兵可以守乎
不可以守乎旣而北關併開鐵陷事幾不可
爲矣簡用經畧單騎出關而所調兵馬招之
市人徵之川貴乃曰西北兵不可馭也則亦
不可馭而已有衆十餘萬與無兵同是以爲

禍至有今日之慘也夫兵義事也戰勇氣也奮其死力以與敵人從事鼓之以義也雄杰之輩義與氣相感慕耳行伍以將帥爲司命其人可恃七尺委之如其父母如頭目手足相捍而安有不可馭者乎余所謂選將而兵自集真正有用者此也招之者一人用之者一人所招非所用宜乎其不可馭也天雄鳥喙其毒可以殺人善醫者用之立奏奇效有法以用之也今用之不有法而狙於土司之

兵以槩招西南而卒不講於強弱之數有用
無用也豈不大可虞哉奴之不卽來我可以
有爲之時也爲之亦必有要說矣余所愛者
正奴之不卽來也比至其來尚可爲乎古人
云不一勞不永逸不有遠慮必有近憂是以
數言之不自知其贅也余方屏跡山中而言

關

廊廟不知余者得無謂余爲譏爲訕則余曷敢
則余曷敢付之剗剗以傳諸人期與共相謀

議同保患難而已書成余爲述此適接邸報
見賁陟道臣疏云京師聞見與邊疆絕不相
同其所陳說乃真情形也而無柰聞見之不
同也嗟嗟如東事何至所謂西兵十八萬我
以五百騎破之云云則白起畏馬服君子爲
將之說也奴之狡黠每如此而我常不逆詐
危哉可慮也余向者言之然乎否耶

天啓改元辛酉秋日蘇門山人郭 曄述

家書一 巳未三月

家書二 巳未四月

家書三 巳未四月

家書四 巳未七月

家書五 巳未七月

與文總督書 庚申春月

與李督餉書 庚申春月

再與文總督 庚申秋月

與政府書 辛酉四月

與張撫臺書

辛酉四月

與李戎政書

辛酉四月

與熊經畧書

辛酉五月

與張大司馬書

辛酉七月

東事疏

壬戌二月

與王少司馬書

壬戌二月

與孫相公書

壬戌三月

與季弟言遼事書

己未三月

書來見吾弟所云遼事但宜脩舉邊事閉關拒之以待奴之自困停內地加派爲根本計自善策汝兄所見有不然者吾拒之奴不來乎奴來吾能拒之乎遼左之兵能拒奴乎援兵可不調乎調之可不煩費乎加派可遂已乎山海之間京城之內可不備乎我備遼之兵不足以當之奴強不能備遼也我足以當奴之強而不以剿以備而又沿邊之遠山海京城之間處々當備餉

益費事益不可爲內地益困何以困奴乎奴豈
東身自困者乎今日捨此明日犯彼日見多事
諸虜窺間且起尤而效之我欲安靜以守其可
得耶勿論意外之虞也今日無剿不過畏奴之
強也援兵之不足恃也敗衄之爲前車也而實
不然奴非果有十萬之衆也我之計左而以全
師與奴也我大帥七兵十萬連營併進則勢強
即少挫可以互援料奴之衆不過數萬強弱之
勢亦足相當今則四路分進矣我分而奴必合

以全力用十萬之師析而二萬奴始強我且弱
破松敗林覆綖其實不過數萬耳奴雖強不能
勝三倍今雖得志拔亦當半瘡痍未起也不乘
此時啗之使其養全力以啗我徐且購炒宰諸
胡顧不足畏耶天下之兵莫勁於西北有衆五
萬足以當奴向所調非精銳之士麗藉之伍也
精銳之士按藉簡閱而調大將統之沿邊結陣
而進不旬月抵遼矣所在撫鎮借口有事以新
募之兵老弱之輩應之而在事諸人於兵之足

用不足用可以勝敵不可以勝敵不一問也地方卽有事精銳者去可以卽補伍尋常遇有喪敗補伍乎不補伍乎安得藉口實塞責不顧

國家之急而秦越視之耶適戍之卒由內地乘傳而徃稽遲日月兵不有期乎不有節制乎違期失制不可以應敵不知兵者亦以爲不可當事者汶汶泄泄所未解也杜帥奴之所深忌也而躁急不受羈勒輕敵易動又奴之所覘也兵分先出關劉帥東出期尚遙則竭全力以應計

誘之多設伏而松遂不可免則兵分之計左也
向使七帥列三營聯翼並進火器矢刃競發左
右中互爲援松督戰安得獨先馳卽先馳有應
援可以不喪敗未見奴酋之果得志也松殞而
敵張林又深入是以復敗馳而赴綏綏益不支
矣故曰敗衄非戰之罪也將計失而以師與奴
也始接卽報見且四路分進已逆知其必敗與
董父母嗟嘆而詳言之矣今果然而慮曰噫廢
食者計必出於守也守之爲患當倍戰而又不

明戰之當如何則草野之人所深抱杞憂而不
安寢食者也夫奴不能使其不來來未必能守
而山海不可不預爲脩多脩必多費而加派未
必即停已匱財老師啟釁滋患而內地之騷動
無已時必由守所當慮也守不可恃則莫如急
勦勦之上計莫如購諸虜餌以厚利而懸以賞
格得建首一如賞級格得級萬賞不踰五十萬
餌之費未必踰此而奴可啗也即不然而奴之
援可絕也虜即不聽必有虜之所信者又有信

之信者可多間而深謀也狐兔必相倚而犬羊
見利必動竊謂虜可購也卽不購而賂其不助
奴以不失和則必聽之矣而後奴又可啗也西
北之衆非曰五萬足破奴也遼亦勁兵處也有
餉則兵可招加餉則勁兵可集遼歲額幾何括
金又幾何與加派約數百萬顧苦無兵又苦九
邊之不發援發不皆精銳皆過計也榆耳調五
萬遼招十萬合以見在以啗奴奴雖強而我不
分兵不必弱豈畏奴耶勿使滋蔓蔓將難圖遺

患釀禍且不可言矣今日之計似無切於此者
吾弟以爲何如而無令人見也

金天與同典職死時理直萬願者無其文者武
相繼其何時或贈假假武不果至氣博舞同益
其之與我曰五萬吳知效也參本假其通也休
效以不夫味假假假之夫而假假又利而也西
其德也假假假假假假假假假假假假假假假
其德也假假假假假假假假假假假假假假假